

قرأت لك

المحاميان



المحامي الأول (ربنا يسوع) يتكلم مع الله لمصلحتك ... أَمَا المحامي الثاني (الروح القدس) فهو بيتكلم معاك لمصلحتك

Timothy Keller

15 دقيقة قراية

[لقاءات شخصية مع يسوع](#) 

الملخص

فصول الباراقليط

📢 يوم خميس العهد بالليل ... ربنا يسوع عارف إنه بعد ساعات قليلة هائسَلَمَ عشان يُصَلِّب ... وقتها فتح قلبه لتلاميذه في 4 إصحاحات مهمة جداً بنقراها في بسخة ليلة الجمعة العظيمة ... خطاب وداعي من 3 إصحاحات (يوحنا 14 ل 16) بعدها صلاة رائعة في إصحاح 17 ... الفكرة الأساسية و التركيز كان على الروح القدس، و ده اللي خَلَّى كنيستنا تسميها (فصول الباراقليط) **و كل كلمة من كلمات ربنا يسوع الأخيرة لتلاميذه مهمة جداً جداً**

يا أولادي، أنا معكم زمانا قليلا بعد. ستطلبونني، وكما قلت لليهود: حيث أذهب أنا لا تقدرُون أنتم أن تأتوا، أقول لكم أنتم الآن

— يوحنا 13 : 33

🔴 و الحقيقة لو ركّزنا في ردود التلاميذ على كلام ربنا يسوع، هانلاقي إن جالهم حالة من الفرع لَمَّا ربنا يسوع قال لهم إنه هايمضي إلى الآب، لأن التلاميذ ساعتها **ماكانوش فاهمين قلب ربنا يسوع بعمق** رغم عشرة الـ 3 سنين و رعايته ليهم و الوعظات و التعليم و المعجزات ... بنلاقي بطرس بيقول له: يا رب إن أنكرك الجميع، أنا لن أنكرك ... و بعدها بشوية قال له: معانا سيفين

توما قال له: يا سيد، لسنا نعلم أين تذهب، فكيف نقدر أن نعرف الطريق؟
فيلبس قال له: يا سيد، أرنا الآب وكفانا

📢 لو تخيلنا وقتها إن التلاميذ في حالتهم دي هم اللي هايبشروا و يقودوا الكنيسة هانلاقي الأمر مستحيل خصوصاً وسط الاضطهادات اللي هاتحل على الكنيسة الأولى (زي ما بنقرا في سفر أعمال الرسل) .. و لأن ربنا يسوع عارف كده، أعطاهم الرجاء:

وَأنا أطلب من الآب فيعطيكُم معزياً **آخر** ليُمكث معكم إلى الأبد، روح الحق الذي لا يستطيع العالم أن يقبله، لأنه لا يراه و لا يعرفه، و أما أنتم فتعرفونه لأنه ماكث معكم و يكون فيكم

لا أترككم يتامى. إني آتي إليكم.

بعد قليل لا يراني العالم أيضاً، و **أما أنتم فترونني**. إني أنا حي فأنتم ستحيون.

في ذلك اليوم تعلمون أنني أنا في أبي، وأنتم في، وأنا فيكم ...

بهذا كلمتكم و أنا عندكم. و **أما المعزي، الروح القدس، الذي سيرسله الآب باسمي،**

فهو يعلمكم كل شيء، و يذكركم بكل ما قلته لكم.

سلاماً أترك لكم. سلامي أعطيكُم، ليس كما يعطي العالم أعطيكُم أنا. لا تضطرب قلوبكم ولا ترهب.

💡 نفهم من الفصل ده إيه؟

1. الروح القدس مش قوة أو طاقة ... ده شخص .. أقنوم ... لاهوته نفس طبيعة الآب و الابن
 2. ربنا بيقول لتلاميذه إنه هايترك العالم و العالم لن يراه .. بعد كده بيقول لهم إنهم هايشوفوه ... و بيقول لهم إنه هايرسل لهم الروح القدس ... يعني إيه؟
- يعني بواسطة الروح القدس، هايقدر التلاميذ يشوفوا المسيح حتى لو مش بالجسد ... حضوره هايفضل باقي بينهم عن طريق هذا المعزي الآخر**

؟ من هو الروح القدس؟

✍ الكلمة اليونانية المستخدمة في التعبير الأصلي هي كلمة بارقليط، و الفعل منها هو (باراكاليو) ... مقسومة نصفين:

كاليو: يعني يوجّه أو يرشد
بارا: يعني يمشي جنباً إلى جنب

📖 ترجمة الكلمة دي لكلمة واحدة بس توصفها تماماً في اللغات الثانية صعبة جداً ... عشان كده ساعات بنشوف الترجمات الآتية:

1. Comforter: المعزي، و دي الترجمة اللي بنشوفها بالعربي ... لكن معناها ناقص شوية، لأنها توحي إن الروح القدس بس دوره إنه يعزيك و يواسيك في أحزانك ... ده مش غلط لكن دور الروح القدس أعمق و أكبر من كده بكثير

2. Helper: المعين ... و دي برضه معناها ناقص لأنها بتصوّر دور الروح القدس إنه ياخد بيد الإنسان زي الطفل الصغير و يساعده

3. Advocate: المحامي اللي يمثلك في ساحة القضاء ... دي تُعتَبَر أدق ترجمة، لأن بتصوّر أدوار الروح القدس:

مرشد يقدم لك نصائح قانونية (الروح يرشد)

متعاطف معاك و يقف في صفك (الروح بيعزّي و يقوّي)

ساعات بيتحدّك و يبكتك لكن في صالح دفاعك و قضيتك (الروح بيبكّت على الخطية)

يتكلّم للقاضي بالنيابة عنك (الروح بيشفع)

💡 لو ركّزنا في كلام ربنا يسوع، هانلاقية بيقول على الروح القدس (**معزياً آخر**) ... ومعنى كده إن فيه معزّي أو محامي أولاني

✚ المكان الثاني الوحيد في الكتاب المقدس اللي جت فيه كلمة بارقليط هو:

و إن أخطأ أحد فلنا **شفيح** عند الآب، يسوع المسيح البار. و هو كفارة لخطايانا

— يوحنا الأولى 2 : 1 و 2

🔑 إذأ ربنا يسوع هو المحامي الأول (عن طريق عمله على الصليب) .. و الروح القدس هو المحامي الثاني (عن طريق عمله في قلوبنا)

✚ المحامي الأول

🎙 عشان نفهم تفاصيل الجزء ده، ممكن نسمع وعظة: **نعمة التبرير .. عدل و رحمة الله**

➡ أول معنى يوصل لنا لما نقول إن ربنا يسوع محامي، هو إن فيه محكمة إلهية عادلة، هايقف أمامها الجميع
مشهد مُرعب لو تخيلنا نفسنا قدام الرب كَلّي الصلاح و القداسة و عينه على كل خطايانا ... كل الأعدار هاتتلاشى و ماحدّش هايقدّر يثبت في هذا اليوم ... زي ما بنقول: ليس مولود امرأة يتزكّى أمامك

مخيف هو الوقوع في يدي الله الحي!

— عبرانيين 10 : 31

👥 ثاني معنى هو إن ربنا يسوع مش مجرّد نموذج للسلوك الأخلاقي أو شخص محب بيدعمنا ... ده بيمثلنا

في المحكمة، محامي الدفاع بتاعك بيمثلك ... ياخذ مكانك و يكون بدلاً عنك ... لو كسب القضية يبقى انت اللي كسبتها، و لو خسرها يبقى انت اللي خسرتها
باختصار، انت بقبولك فداء ربنا ليك، بتقبل إن انت **تكون هويتك في محاميك الكامل اللي هايقف عنك قدام الآب**

🔥 و هنا يبجي دور ربنا يسوع كشفيع ... المحامي لّمّا يبجي يتراجع أمام قاضي عادل, **لازم يكون عنده حجة واضحة و صحيحة تبرأ موكله** ... ماينفّش يقول للآب: عشان خاطري سامحه المرة دي و ده بتبينه لنا الآية اللي شفناها فوق, إن ربنا يسوع كفّارة لخطايانا ... أخذ الذي لنا و أعطانا الذي له ... تعالوا نقرا الآية الجاية دي:

إن اعترفنا بخطايانا فهو **أمين وعادل** , حتى يغفر لنا خطايانا ويطهرنا من كل إثم

— يوحنا الأولى 1 : 9

الآية مش بتقول فهو (رحيم) ... بتقول فهو (أمين), يعني لازم الله يغفر لنا لو اعترفنا بخطايانا لأنه أمين ... طب تيجي إزاي دي؟

💡 السر في الصليب ... كأن ربنا يسوع بيقول لله الآب: أنا دفعت تمن خطاياهم و وقّيت العقوبة المستحقّة كلها ... إذاً من غير العدل يا أبي أن تكون هناك عقوبتان لنفس الخطية اللي عمله ربنا يسوع على الصليب ... بيتحوّل لحسابي أنا ... و الآب مش بيشوفني أنا الخاطي ... بل بيشوف الصليب ... بيشوفني في المسيح ... تعالوا نقرا الآية دي:

لأنه جعل الذي لم يعرف خطية, خطية لأجلنا, **لنصير نحن بر الله فيه**

— كورنثوس الثانية 5 : 21

🔥 عمل الروح القدس

✝ اتكلّمنا عن ربنا يسوع (المحامي الأول) اللي بيشفع فينا قدام الله الآب ... طيب الروح القدس بيعمل إيه؟

💡 أول دور ربنا يسوع وّضحه للروح القدس إنه **بيعلّمني و يذكّرني** الروح القدس هايفهمني إيه اللي ربنا يسوع عمله عشانني

لأن محبة الله قد انسكبت في قلوبنا بالروح القدس المعطى لنا

— رومية 5 : 5

🔑 **تاني حاجة إنه هايوجّهني عشان أعيش زي ما علّمني ...** هايجادلني و يطلب مني أعيش كما يليق بمحبة المسيح

💡 **تالت حاجة إنه هايوزّيني المسيح ...** زي الكشّاف اللي مش بيوزّيك نفسه بل بيوزّيك جمال المبنى اللي قدّامك
ربنا قال للتلاميذ إنهم بالروح القدس هايختبروا حضوره تماماً بينهم و محبته ليهم
ناس كتير بتقول يا ريتني كنت عشت وقت السيد المسيح و قابلته كنت هاعرفه أوضّح و أحسن من دلوقتي ...

لكن الحقيقة إن الروح القدس بياخدني عند الصليب و يوزّيني الطول و العمق و العرض و العلو
بتاع محبة ربنا الفائقة المعرفة لي
إحنا نقدر بالروح القدس نختبر محبة ربنا و حضوره أكثر من التلاميذ في العلية

💎 **رابع حاجة إنه بيغيّر حياتي و تفكيرتي ...** هاتبقى الحاجات الأرضية كلها بالنسبة لي زي 10 جنيه بالنسبة لمليونير ... هاتبقى كلّها ماتسواش في نظري شيء (زي ما قال القديس بولس: أحسبها نفاية) مقارنة بالفرح و العشرة الحقيقية مع الروح القدس
دور الروح القدس إنه يفكّرني بهويّتي كابن لربنا ... و دوري إني أسمع كلامه

🔑 **الروح القدس في حياتي**

? **طيب اللي فات ده كلام جميل و نفسنا فيه ... إزاي نعيشه في حياتنا؟**
عن طريق **وسايط النعمة**

✚ **كتاب مقدس مفتوح،** بناكله أكل مش مجرد قراية عابرة ... لأن ربنا بيكلّمني من خلال كلمته

✚ **صلاة من القلب ...** كلام شخصي لله الحاضر معي و في داخلي، مش مجرد ترديد كلام لحدّ أنا
مش شايفه

✚ **ثبات في جسد ربنا يسوع المسيح و دمه ...** و أنا مدرك عظمة السر، مش داخل أتناول على سبيل العادة